

COLOVINYL  
MOSAICO di PLASTIC

Un bunita vloer pa cu-  
shina, pasillo y baño.  
Practico y moderno!!

FABRIKAAT  
LINOLEUM KROMMENIE  
MESKER - ARUBA N.V.  
TEL. 1325

# ARUBA ANSE COURANT



Diario pa



Aruba

KING SIZE COCA-COLA  
MORE  
FOR  
YOU!

INSTALA AIREACON-  
DICONADO NA BO

CAS AWOR!

Tel. 2170



No. 4368

DIASABRA 23 JUNI 1962

## Juancho Yrausquin a hanja e entierro di mas grandi hamas visto na Aruba

ORANJESTAD, 23 juni - E demonstra-  
cion di mas grandi di honor cu hamas por  
a contempla na Aruba a cai na turno ajera  
tardi dje defunto, Ministro di Financia  
JUAN ENRIQUE YRAUSQUIN. E dignitario-  
nan di mas alto, tanto spiritual como secu-  
lar, tanto p'aden como p'alor di Antillas

y tambe prominentenan for di circulanon  
industrial y comercial nos a mira tras dje  
procesion. Aki tras a sigui miles otro inte-  
resadonan for di tur sector di comunidad  
y tur gremio di poblacion. Dje manera ei  
Aruba a manifesta su tristeza na ocasion  
di morto di su politico stima.

### Kransdi La Reina a bai dilanti den e procesion

Pa 5'or di atardi, ora cu ya solo a cuminsa ta baha,  
conseho di ministranon completo di Antillanan Neer-  
landes cu ta: premier E. Jonckheer, ministro E. O. Petro-  
nia, ministro F. B. Tromp, Ministro R. J. Isa, ministro I. C.  
Debot a carga e baar salu cune for di habitacion na Lloyd  
G. Smith Boulevard. Un enorme masa di hende cu na e  
momento ei a acumula dilanti habitacion di e ministro de-  
funto, a queda ta contempla e efecucionnan aki den un  
silencio impresionante. Poco poco e procesion di kilometer  
largu di hende a cuminsa ta forma, den cual Excelsior  
Brass Band for di San Nicolas y un grupo grandi di damas  
tabata camna dilanti dje entierro. Despues di esakinan  
a sigui decananan di auto habri cu kransnan. Den e auto  
di mas dilanti tabatin expone e bunitisimo krans cu La  
Reina Juliana a manda. Despues di esaki a sigui e caro  
funebre.

#### Miles a sigui e baar

Ta casi imposible pa haci mencion  
dje decananan di autoridadnan cu nos  
a observa den e procesion. Den D-1  
cu a sigui unbez tras dje caro fune-  
bre nos a mira Gobernador interino  
C. Winkel cu Sra. Maria Yrausquin.  
Aquí tras na pia, Gezaghheber in-  
terino di Aruba Sr. Isaac de Cuba cu  
Sr. Ruben Yrausquin, rumen dje de-  
funto, domi A.H.C. Jacobson i Mon-  
seigneur J.M. Holterman, cu su se-  
cretario Pastoor J. Burgemeester di  
Oranjes ad. Den roun profundo e-  
mas famia dje defunto tabata sigui  
aqui tras. Luego a sigui e deputado-  
nan O.S. Henriquez, F. Wernet,  
W.C. Anslin, Jacobo Erasmus i se-  
cretario insular L.C.M. Kerstens di  
Aruba. Cu esaki nos a menciona  
solamente un parti chiquito dje pro-  
minentenan quendenan ajera a asisti  
na e entierro cu a sali e cas Lloyd G.  
Smith Boulevard 75 te na cemente-  
rio. Protes ant. Nos ta menciona  
ainda nombenan di dr. Sedney, mi-  
nistro di Sumam, cu a representa su  
gobierno na e ocasion aki. Mr. H.W.  
J.M. van der Made, secretario di

Ministerraad, Gezaghhebernan di Cu-  
raçao, Bonaire i islanan ariba, resp.  
M.P. Gorsira, A. van Hesteren i Jap-  
pa Beaulon, miembronan di poder  
legislativo, president di algemene re-  
kenkamer H. Roefstra, su secretario  
W. v.d. Koog i otro miembronan di  
camara, miembronan di Raad van  
Advies di Antillanan Neerlandes, bao  
di cualnan Sres. W.F. Craane i G.  
de Veer, commandant poder naval  
di Antillanan Neerlandes, A. van  
Strien, president di Staten Osbaldo  
Croes, quende na momento di morto  
di ministro Yrausquin, tabata cu su  
colega E.R. Finck na Sumam, pero  
a regresa net na tempo pa entierro.  
Tambe nos a mira deputadonan di  
otro terri orionan insular, bao di cual-  
nan sr. R. Elhage, S.G.M. Rozendal,  
F. Pijpers i J. Martina di Corsou i

Un grupo di industrial y financieronan aleman cualnan tin relacion intima cu  
trahamtu di fabricacion quimico na Barcadera, a haci un bishita weekend pasa  
na Aruba. Riba e portret nos ta mira un parti dje grupo riba terreno industrial.  
Di r.p.d. nos ta mira Sr. T. J. Dimmock, plant manager di Antilles Chemical In-  
dustries; Sra. Patty Hamilton; Sr. P. Schellhout, director di Phoenix Rheinrohr  
A. G.; Sra. F. Torres; Sr. J. Vers, cu ta den servicio di Tecnodin; Sra. E. Mom-  
men; Sr. Torres, director general di International Development Investment Co., Sr. E.  
W. Mommen, director general di Phoenix Rheinrohr na Dusseldorf; Sr. M. Baur,  
director di Phoenix Rheinrohr na New York; Sra. Baur y hefe di servicio di in-  
formacion N. Pijia.

deputado P'eters di isla 'riba; luego  
un gran numero di miembronan di  
Staten i Eilandsraad, entre cualnan:  
Sra. L. van der Linden Helmeijer, E.  
Voges, H.L. Lopes, C.W. Hueck i  
A.A. Emerencia i major parti di  
miembronan di Staten Arubano. Otro  
personanan cu nos a observa den e  
procesion tabata president director di  
Lago W.A. Murray i su colega Cu-  
razoleño jr. C. van Driel van Wage-  
ningen; comisario C.A. de Jager d.  
Aruba, major A. Heinen, comandant  
di guarnicion di Marinier na Sava-  
ne a, un gran numero di hefe di ser-  
vicio di land i eiland di Aruba i Cu-  
raçao, miembronan di cuerpo con-  
sular, bao di cualnan consul general  
Venezolano na Curacao Vicente  
Gambao Marino, delegacion di Ca-  
maranan di Comercio di islanan, di-  
rectorinan di casnan grandi di comer-  
cio Arubao i Curazoleño i di banco-  
nan.

I e numeracion aki ta ainda un  
fraccion numa dje milesnan cu a si-  
gui e baar i enter anchura di e caja  
di L.G. Smith Boulevard, dje reton-  
de te na Willem III toren.

Escenanan emocionante a tumu luga  
durante e ruta. Cu wowonan jen di  
lagrima i tambe varios otro nan jo-  
rando mes tabata para na cantu dje  
rua. Na un skina tabatin un muhe  
ta grita: "Bye, Bye, Juancho, you  
were a good boy. The Lord called  
you, we'll have to finish your job."  
Hopi hende tabata expresa semehante  
palabranan ora cu nan tabata pasan-  
do e cara funebre, cual tabata flankea  
pa e seis ministranon ya menciona.  
Masha largu tabata e procesion, cu  
continuamente tabata b'ra mas largu,  
como cu hopi di nan cu tabata para

ta mira e procesion, a dieldi di sigui  
su tras i ta claronan esaki a b'ra  
miles.

Dilanti dje procesion tabata camna  
e Excelsior Brass Band, cu tabata to-  
ca musica funebre, pero e procesion ta-  
bata asina largu cu na e caro fune-  
bres nan no por a tende mas,  
asina tanto tabata e numero di car-  
gadonan di flornan i autonan di flor  
i krans cu tabata dilanti dje caro fu-  
nebre. E caro di flornan di mas  
prome tabata un jeep di Marinier-  
nan den cual tabatin un krans sim-  
ple cu un cinta ariba, riba cual por  
a leza: J. i B. Juliana i Bernhard.

Na e cementerio Protestant e in-  
teres taba enorme. Un multitud di  
miles cabez tabata para den un me-  
dio circulo rond dje graf. Un mucha  
tabata cologa den un taki dje palo  
net riba e graf; hopi otro nan tabata  
para riba e grafnan alrededor, den  
un esfuerzo pa por scucha cada pa-  
labra dje cantidad di discursonan of mira  
un flandor dje cara di morto blacu.  
Door dje boroto di miles hendenan,  
ta solamente esnan cu taba para  
mas cerca den e circulo por a sigui  
loque tabata ser expresa na e secul-  
ero. E procesion a yega cementerio  
5.45 i mei ora despues e prome ora-  
dor por a haci uso d' palabra, intro-  
duci pa e maestro di ceremonia N.  
Pijia. Esaki tabata O. Bikker, pre-  
sident di Staten.

Sr. Bikker a mira cu e despedida  
no ta pa eternidad. Despues di un  
bida ben hiba, Juancho Yrausquin, e  
servidor di su pueblo, awor a drumi  
den Senior.

Sr. Bikker a mustra di no por  
hanja suficiente palabranan pa po-  
duna expresion na su hopi emocio-  
nan di verdre e grandi admiracion  
pa un gran homber cu awor a bai.  
E sacrificio i dedicacion, cual Juan-

Aki nos ta mira momento cu sra. vda.  
Maria Yrausquin ta baha for di avion  
di charter K.L.M. cu a trece e restonan  
mortal di su esposo na bida S. E. Minis-  
tro Juancho E. Yrausquin.



cho durante su bida a demonstra.  
Sr. Bikker a jama un ehemplo pa  
tur esnan cu el a larga tras pa ter-  
mina su tarea. Sr. Bikker ta contien-  
to di sabi cu morto no ta final di tur  
cos.

Na e momento aki e ta risca ex-  
presa, tanto di parti di adversario  
como partidarionan, su homesabe na  
loque e defunto a realiza na bida.  
"Juancho, amigo bon, lo nos contin-  
ua bo trabao."

Ministro Kroon a papia na nomber  
di gobierno. El a jama e defunto  
un gran homber, quende consciente-  
mente a sigui su camina i cu husta-  
mente den esei a desplega su gran-

Segui lesa pag. 2


Momento cu nan ta baha e restonan mortal di S. E. Minis-  
tro Juancho Yrausquin for di e avion pa hibe den e sjers  
di morto, pa e worde transporta pa San Pedro Hospitaal.

BRIGHT'N' CLEAR!  
REFRESHING!



extra  
refreshing iced tea  
instantly  
with cold water!

NESTEA is a modern, instant form of 100% pure  
tea — Selected Orange Pekoe and Pekoe teas in a  
delicious blend. Dissolves completely in cold water!  
No water to boil, no messy tea bags or tea leaves. Try  
it hot too ... it's delicious!



**NESTEA**  
100% pure — Instant tea

FUTBOL FUTBOL FUTBOL  
DIADOMINGO 24 DE JUNI 1962 PA 4.30 P.M.  
**SPORT CENTRUM NOORD**  
GRAN REVANCHA FUTBOLISTICA  
**JONG ARUBA vs. BUBALI S.C.**  
(Hoofdklasse) (A klasse ganador di copa Juliana)  
Den es encuentro aki ambos club lo presenta nan equipo pa e campeonato '62.  
ENTRADA GENERAL FL. 0.50






# Ultimo demostracion di honor na entierro di JUANCHO YRAUSQUIN




Rondo di e graf nos por mira primer ministro Jonckheer, gobernador interino Winkel, ministro Debrot, president di Staten Bikker, ministro Kroon, ds. Jacobs, sra. vda. Yrausquin, gezaghebber interino De Cuba, ministro Petronia, minister Tromp y ministro Isa.



Aki nos ta mira e caha rondona di seis ministro, cu tabata cordondrager: banda robes ministro-nan E. Jonckheer, Debrot y Kroon. Banda drechi ministro-nan Isa, Tromp y Petronia.



E portret aki ta duna un bista riba e multitud grandi di hende cu tabata sigi e ultimo biahe di ministro Yrausquin.



E momento cu e ministronan ta pone e caha riba e graf.



Excelsior Brass Band a habri e careda largo di hendenan cu tabata forma e enorme fila.



Aki ta e momento cu e ministronan ta drenta cu e caha blancu den santana protestant. Banda drechi e krans di Su Mahestad La Reina Juliana.



No tabata decenan sino centenares di krans cu a worde carga dilanti di e wagen.



Den e promer fila nos por mira di robes pa drechi: senor D. Yrausquin, ruman di e difunto, gezaghebber interino I. S. de Cuba, ds. A. H. C. Jacobs y obispo di Willemstad Monseñor J. M. Holterman.

## Entierro di Ministro J. E. Yrausquin

(CONT. DI PAG. 1)

deza. "E tabata un dje poconan riba e islanan aqul, cu a mira aurora roja dje amanecida nobo di Antillas Neerlandes na firmamento", asina e ministro a bisa, quende a observa, com Juancho Yrausquin cu pasion i reprimido i cu sacrificio i energia di enter su personalidad a dedica su mes na servicio di su pais. Esiqui no tabata un suspiro na aventura of interes propio cu a forcé na haci esei, pero tabata su amor pa su pais i su

pueblo. E tabata aspira su hendenan pa un fé den futuro i sin compasion e tabata lucha pa loque e tabata considera husto i recto. Juancho Yrausquin, asina ministro Kroon a continua, a trece poblacion di Antillanan Neerlandes mas cerca otro. "Lo e no mira e victoria aqul na mundo mas; e pais prospero i selfsupporting den cual hendenan ta biba na paz i union cu otro". "Sosega na paz, balente luchador, trahador duru, amigo bon."

### Amigu di Surnam

Tabatin hopi oradornan mas. Despues di Sr. Kroon tabata ministro Sidney di Surnam cu a hanja palabra i a papia improvisa un speech masha simpai co, den cual el a jama ministro Yrausquin un gran patriota i fundador dje cooperacion economico creciendo den reino. "Ministro Yrausquin tabata enoci como un amigu di Surnam. Gobierno di mi pais ta compadece den e golpe duru cu Antillas Neerlandes a ricibi."

Deputado Pieters di isla 'riba a lanza un speech masha sentimental, den cual el a expresa e aprecio profundo cu tambe na islanan ariba ta

existi pa e defunto. Orador a bisa cu islanan ariba ta masha agradecido pa loque ministro Yrausquin a haci pa nan como ministro di Financia i Desarrollo.

### Pa nos e no a muri

Vice-president di Staten, Sr. Osbaldo Croes ta conta den su speech com di-luna u.p. mes ainda e tabata combersa cu e ministro defunto i el a bisé: "Ta parece manera bo curpa ta cansa, tuma un paar di seman di vacantie". E contesta di Juancho tabata estatico: "Mi no tin tempo, pasobra mi tin masha hopi trabao." Awor bo ta hanja e sosiego cu bo a merece pero cu bo no quier a tuma", asina Sr. Croes a bisa.

El a observa com pueblo di Aruba a perde den ministro Yrausquin un "yiu grandi", un yiu homber grandi cu den su 13 anja di lucha pa Aruba tabata un gran ejemplo. "Sosega tranquil, pasobra pa nos bo no a muri; solamente b'a bai sosega noma un poco despues di bo lucha grandi".

### E perspectiva


Despues cu Sra. Bep Meijer-Van Ommen a expresa un poesia traha pa e mes, domi Jakobson a bini dilanti i a scohe como teks: "I El a bisa: no sea temoris, pasobra Mi ta Esun di prome i Esun di ultimo i Mi tin jabinan di morto i reino di morto". Domi Jakobson a observa,

cu ajera dos hende a ser enterra, un homber cu no ta jama atencion i uno cu tabata lucha den e rangonan di mas altu. El a mustra cu acento, cu Cristu a bisa di ta prome i di ultimo, pa creyentenan por sabi cu esei ta nifica, cu e ultimo palabra no a termina na graf, pero na Cristu. I el a continua diciendo: "Ta foi e perspectiva aqul bida ta cuminsa hanja su nificacion i sentido". Na su bon i fiel servidornan Cristu lo bisa: "Drenta den mi reino". Domi Jakobson a clausura su discurso cu e conviccion di fé sigui pa "Nos Tata".

Despues di un palabra di gratitud di ruman dje defunto Sr. Damian

Yrausquin, quende a apoya e partidacionan di Juancho di sigui uni bao di nan mes bandera pa nan ideal", e encuentro a termina. E caha a queda algun ora mas para riba e graf, asina cu miles di hende ainda por a hanja ocasion di defila banda di dje. Riba e caha tabatin kransnan di La Reina i Prins Bernhard, banda di dje esun di Landsregering, di eilandsbestuur i PPA. Ora cu despues di algun ora cu e milesnan a caba di duna ultimo saludo na nan ministro defunto, pa un gran parti e graf tabata jen di flor i tantu e caha como e kransnan riba dje a queda completamente tapa bao di flornan. Solamente flornan i mas flornan hende tabata mira,





## BOTA PREPARA PA CASAMENTO!

Selecta e mueblenan pa e hogar di bo ensuenjo for di nos extenso coleccion.

- SET DI SALA, den diferente estilo for di fl. 165.— pa riba.
- SET DI CAMBER, den diferente prijs.

Tambo:

- CAMA di un persona, CASHI los, SET DI COMEDOR, STOEL PA VERANDA, etc., etc.




Nos prijsnan semper ta masha atractivo.

ADOLPH GRODER'S PANAMA STORE — SAN NICOLAS - TEL. 5131

A CABA DI YEGA:

## o famoso radio-console LOEWE-OPTA


cu conexon pa Tape-recorder, hopi espacio pa warda disco etc.



Model „President Stereo

## GOSA MAS DI BO T.V. cu un ANTENNA DI T.V.

„transistor-booster amplifier“ cu ta capta diferente stacion di television.



Prijnan fantastico favorable!

A caba di yega RADIO TRANSISTOR PORTABLE, excelente pa tur ocasion. Semper na existencia diferente model di TELEVISOR ERRES.

MARCONI PHONE RADIO SALES & SERVICE

SAN NICOLAS - TEL. 5325

## THE PEARL OF THE ORIENT

Leo Berlinski  
San Nicolas - Oranjestad

## E JOYERIANAN MEHOR Surti na ARUBA

na unda bo ta haya regalos pa tur ocasion, na prijs moderado. TAMBE E FAMOSO CRYSTAL "MURANO"

Un coleccion enorme di tur holoshi di Salsa e.o. e famoso


GIRARD-PERREGAUX

Pa un regalo adecuado y garantizado acudi cu tur confianza na LEO BERLINSKI

## Rendezvous di amanan di cas ACME STORE

J. (Joe) TRAPPENBERG  
Tel. 5381 - 5384  
SAN NICOLAS.

Nos tin na existencia tur loke bo mester pa tene bo jardin „UP TO DATE“!!!



HOSE di plastic 25 - 50 y 75 pia di fl. 6.— pa riba.

## Fertilizer

vitamina pa flor y berdura. Ta laga nan crece cu menos uso di awa.



## NOZZLE

pa HOSE, den varios tipo pa solamente Fl. 1.75

## Tur clase di SIMUA

di flor y berdura! Tur hende ta encanta di nan resultado.



## PUNTUACION DI CONCURSO DI FAVORITOS DI PRENSA Y RADIO.

„Promer careda: — My King 49, Santanita 26, Llave 5 tin 7, Nagasaki 4, La Coneja 2, Llave 7 tin 2.

Di tres careda: — Rey del Bosque 43, Shabatoko 22, Amasijado 15, Koppennik 4, Solariego 3, Glaciar 2, Persian Park 1.

Di cuatro careda: — Llave 9 tin 59, Kid John 17, Beau Parleur 9, Llave 8 tin 2, Azopardo 1, Butrino 1, Llave 10 tin 1.

Di cinco careda: — El Tamao 52, Deleite 24, Belfast 11, Negligente 6.

Di seis careda: — Tornosol 46, Llave 10 tin 15, Peleador 13, Generalissimo 12, Warrior 4.

Ultimo careda: — La Pavois 57, Super Sixties 12, Prince Charmant 11, Dance of Spain 8, Fazendeiro 1, Distributor 1.

Nos combinacion di 4 cuadro pa valor di 12 bolivar.

My King	My King	My King
Rey del B. Shabatoko	idem	idem
Llave 9	Llave 9	Llave 9
El Tamao	Coronela	Deleite
Tornosol	Tornosol	Peleador
Llave 10	Peleador	Llave 10
Le Pavois	S. Sixties	Ramillete

E otro combinacion ta di 6 cuadro pa valor di 32 bolivar.

My King	My King	My King	My King	My King	My King
Rey del B. Shabatoko	idem	idem	idem	idem	idem
Llave 9	Llave 9	Llave 9	Llave 9	Llave 9	Llave 9
El Tamao	Coronela	El Tamao	Coronela	Deleite	Deleite
Tornosol	Llave 10	Llave 10	Tornosol	Peleador	Peleador
Le Pavois	Le Pavois	Dance of S. Pr. Charm.	Dance of S. Pr. Charm.	Le Pavois	Le Pavois

BON SUERTE PA TUR Y TE OTRO SIMAN.



PANCHIELECTRICO

## MUCHO MAS

cu e mihor kokki REDDY

ta judabo den cushina CUSHINA - HORNA - HASA cu electricidad.



## UN METODO SUECO PA BIRA DELEGA

BAHA PEÑO SIN SINTI HAMBER

cu LARSON'S

## SWEDISH MILK DIET

LOQUE E TA: Larson's S.M.D. descubri na Suecia, e pais cu e manera di biba saludable. Si bo tin mucho peso pasobra bo ta come di mas y bo kier baha na un manera facil, libe y seguro y mientras tanto bo apetece ta bira menos, tuma un paki di Larson's S.M.D. Bo no tin nodi di t'asina gordo y mahos. Awor bo por perde peso y gordura..... luci mas joven..... Tur esey Larson's S.M.D. ta haci. E no ta un desnutricion. E ta contene vitamina, proteina, hidratanon di carbon, heru y fosfor.

CON BO MESTER USE: Tuma un theelep di pipita di S.M.D. cu un glas di lechi 3 bez pa siman, dialuna, diarazon y diabierna. E otro dianan bo menu normal. Larson's ta sabroso y facil pa gasta. Bo ta prepará den un rato di ora! E ta yuda desarolla un salud indestructible y ta percura pa bo sinti bo fit. Larson's ta 100% garantiza. Bo peso y gordura ta baha for di promé siman sino bo ta hanja bo cen back.



Distribuidores: CURACAO COMMERCIAL CO. BEAUTILITIES (ARUBA) INC. Curacao - Tel. 24054 Oranjestad - Tel. 2113

## UN HOGAR SIN AMOR

(Pa: TUYUCHI)

presenta pa cortesía di

HOLLANDSE BANKETBAKKERIJ

Oranjestad tel. 2798 — San Nicolas tel. 5478

E mehor adres pa Bolo y tur clase di pasa-boca. Diariamente fresco.

— No. 30 —

Ta pa qui motibu e mester tabata odia Rita asina tantu? Mientras e muha muhe aqul ultimamente tabata mustré tur sorto di carinjo?

I asina, suspirando, consumiendo i murmurando el a sigui ta haci su trabao casi automaticamente sin stop.

## CAPITULO 7

Roberto a hinka un flor corra-scur na bojina di Harold i a bise harioendo: „Mi mas cordial felicitacion.....“ Harold a pasa su man harioendo rond di garganta di Roberto i a bise: „Masha danki, mi bon amigu.“ Cu orgullo Roberto a queda ta contente.

„Homer, bo n' por forma bo mes un idea cuantun mi ta envidia bo. Bo examen tabata excelente. Tur bo trabaoonan tabata de lo mehor. Tur cos tabata un exito rotundo. Bru bo mester tin hopi ciencia den bo cabez. Mestera mi por tabatin asina tanto capacidad. Pero mi n' ta quere cu hamas lo mi alcanza asina leu.“ goza productonan di nan molester no sei mas. Ademá loke ami tin di mas, abo tin di menos. T'asina mundu ta. Awor mi ta sinti mi mas abandonado cu nunca. Pasobra unda mi bienhechoran ta pa mi por paga nan mi gratitud? Tambe mi ta sinti falta di Hella pasobra nos a custumbra asina tantu cu otro.“

„Esei tambe mi ta comprende. Pero nos mama ta un hende asina trabahoso cu e ta trata na quibra tur comunicacion di boso dos. Mi tambe a comprende tur cos.“

Batiendo man riba lomba di Harold el a bise:

„Pero carga pacenshi, pasobra un dia cos lo bin drecha pa bo tambe. Tur cos ta cambia cu su tempo. I mi ta segura bo cu ora cu Hella tende di nos desarollo den nos estudio, lo e queda masha orgulloso riba su dos ruman hombernan. Pero ta paquico nunca e no a skirbi un carta?“

„Quizas e ta prohibi na haci esei.“

„aqui sinceramente expresa a haci Harold bira serio.“

„Robert bo sa ta paquico mi alegria ta bira di asina poco nificacion pa mi? Wel ta pasobra esnan cu awe mester a „Prohibi? Pa quende. Paquico? Ta sconde algu malo den esei anto?“ „Asina quizas Sr. Baronessa ta pensa.“ „B'a observa esei?“

„Como no. Mas cu un bez. Abiertamente bo mama a duna mi di conoce cu e no ta desea pa mi mantene ningun sorto di relacion mas cu boso cas.“

„Diripiente Robert su cara a cambia.“

„Tende Harold. Asina tampoco mi no ta gusta tende bo papia. Bo ta mas cu un ruman pa nos. B'a salba mi bida, b'a salba bida di mi tata i bo ta trata nos cu un carinjo i sinceridad di ruman.“

Unbez tabata parece manera ta anjanan mas bieu el a bira.

„Larga di ta masha papia coi loco. Bo mes sa mucho bon cuanto mi cu Hella ta stima bo. I manera Hella ta stima bo ta apenas bo por hanja esei denter di dos ruman mes.“

Un ratu Harold mester a primi su lipnan riba otro pa e denuncia loke e tabatin na su curazon. Solamente el a punte:

„Bo ta q'ere esei.....?“

„Como no. Bo mes no por a larga di experimenta com e tabata hui compania di mama pa e por tabata huntu cu bo cerca opa. Ta queda mi masha extraño cu ta mi mester bise bo tur esey awor aqui. Pero bo sa tambe com opinion di mi mama ta. Hamas lo e duna bo Hella como muhe. Pero ta paquico mi tambe mester ta conta bo semehante casanan?“

Despues di un ratu el a bise Robert: ratu di reflexion anto cu Harold a bandona e mundo di encanto, el a bin na mundo di realidad.

Awor e tabata comprende cu ta locura e tabata haci tur e tempo ey, pasobra mundu lo bise cu ta un buscado di suerte e ta, pasobra e no tin nombreni fama, ni placa.

Despues di un ratu el a bise Robert: „Bam mira pa nos drecha nos valies“, Harold a bise, pero di verdiet e no por a reconoce su mes bo mas. Silenciosamente nan dos tabata piki nan corotonan di mas principal i tabata jena nan valiesnan.

I mientras Harold tabata sacando su corotonan pa un pa, e tabata pensa: „Quico propiamente lo mi por bai haci na domein-Bismarck? E muhe no quier mira mi cu su bista ni un momento mes aya. Tur loke cu mi por sirbi aya lo ta di molester. Mo, maske tantu mi tabata desea e vacante, awor cu el a bini ta parece mi cu e ta un martirio p mi. Ta unda lo mi bai pasa?“

Ohala cu mi por tabata sa, anto lo mi no a regresa Bismarck.“

Loke cu tabata stranja Harold ta, cu Robert tabata sa di asunto di die e Hella, i cu bo mira komkomber na boca di mucha chiquito, ta hende grandi a pone.

Un poco rato despues un criar a bin bise cu pastoor Frank tabata speré, e pader no por a scohe un mehor ocasion. E pader tabatin e plan practicamente gana.

Cu carinjo amable e religioso a extende su man riba Harold su skouder.

„Ricibi mi mas caloroso felicitacion cu motibu di bo diploma. Asina mi ta jama slaag i ademá cu e distincion di mas grandi. B'a recomenda mi esfuerzonan mas cu dobbel.“

„Tabata mi intencion pa door di mi energia mi demostra bo mi gratitud pa tantu generosidad muntra di bo banda na mi persona.“

„Mi no quier tende asunto di gratitud mi yiu. Si hende por yuda un muha asina inteligente, manera bo un poco riba camina di desarollo, e ta ser recompensa caba den e exito. Pero larga nos sinti un ratu, anto e ora ei lo nos papia mas tranqui. Lo mi quier a combersa cu bo tocante bo porvenir. Bo tin un plan caba?“

„Mi quier a tende primeramente consejo di mi bienhechor, Sr. Pastoor.“

„Bueno, anto mi quier haci un proposicion. Suponiedo cu bo ta di e mes opinion cu mi, ya mi a cuminsa tuma algun paso caba den e direccion ei. No tin nada cu por stroba un carrera di bo den camina.“

Wowonan di e religioso tabata penetrando den es di e hoben como si fuera e quier a haci influencia riba dje i a bise:

„Bira pader.“

Harold a bira palido. El a hiza su cara i a queda ta mira e pastoor duru den su wowonan.

„Larga misa bira bo cas“, e pastoor a continua.

„Quere mi. Esei ta e mehor destino cu por ser ofrece na un ser humano. Den cierto sentido ya bo ta depende caba di misa. Al menos bo beca di estudio ta paga foi fondonnan di iglesia, pasobra m'a quere cu bo lo sali un bon filosofo. Bo sintir ta pas masha bon pa sinja teologia. Ya caba bo ta domina idioma latin manera ningun otro alumno di bo edad. Si acaso bo por tuma e decision di abraza estado eclesiastico, anto iglesia lo respalda bo demas gastunan di estudio tambe. Ami na bo luga lo a gradeli mi porvenir mas na iglesia cu na mi ruman orgulloso i aristocrat. Bo mester por comprende cu ta masha franco i sincero mi ta papiando aqui cu bo.“

Algun tabata tembla den e huki di boca di e hoben.

„E loke cu iglesia ta ofrece mi ei, no ta tambe un limosna, un gracia?“

# CINCO Y SEIS

Tin 70 cabai inscribi pa e careda nan di 5 y 6 di dia 24 di juni. Tin 11 yabi. Tin un debutante Perol cu no tin validez pa 5 y 6. Tin un Clasico „Fuerzas Terrestres“ exclusivo pa yegua y pa jinetes Venezolano. Tin un careda pa ehemplar criollo di categoria A cu ta promer careda di competencia. E preparadonan cu tin mas ehemplar anota ta J. Perez cu 6, Ziadie y A. Jacial cu 5 y E. Hernandez y V. Cline cada uno cu 4. Di e jine enan ta H. Marchena tin e mayoria di monta cu 5. Guillermo Gonzalez, M. Camacarro, F. Betancourt y Edgar Aranzazu cada uno tin 4 monta comprometi. Nos impresion ta atrobe „un mercado libre“, pero nos no ta kere cu esaki lo no socede como den varios careda tin probabilidad di sorpresa. E mercado librenan di ultimo tempo ta kita animo di e apostadornan. Laga nos spera anto cu e dividendo pa ganador di 6 cabai resul a algo cu ta bai la pena.

„Precedential“ otro cabai Argentino di fama ta yegando Caracas. Dnieper, Tirol y Mi Dan ta bendi na Puerto Rico y lo sigi pronto nan destino.

Pronto lo bai Puerto Rico. Elacio Peña, Julio R. Ramirez y L.A. Piñeyro cu ta bai traha como jinetes den e hipodromo „El Comandante“ na Puerto Rico. Otro jinetes conoci J. Vargas ta actuando den hipodromo di Las Americas na Mejico.

Na Caracas tin hopi lecho di e profesional y propietarioan riba e mal estado di e pista cu tin hopi buraco y ta yen di piedra chikito cu ta peligroso pa jinetes y cabai. Como tin un Clasico ta corre despues di e tercera valida e caredanan di diadomingo ta cuminsa 3.05 p.m.

E seis promernan di Arubaanse Courant:

Promer careda: — My King, llave 7, Santanita, llave 5, Nagasaki, La Coneja.

Santanita, llave 5, Nagasaki, La Coneja.

Di dos careda: — Rey del Bosque, Amasijado, Persian Park, Solariego, Glaciar, Koppennik.

Di tres careda: — Llave 9, Azopardo, Kid John, llave 10, Gorda Golfa, llave 8.

Di cuater careda: — Negligente, Deleite, El Tamao, Coronela, Belfast, Belfast.

Di cinco careda: — El Zar, Peleador, Tael, Tornosol, llave 10, Generalissimo.

Ultimo careda: — Ramillete, Prince Charmant, Dance of Spain, Ojo Por Ojo, Le Pavois, Super Sixties.

PROMER CAREDA: — Distancia 1400 metro. Handicap liber. Premio 17%. Tin inscribi 10 ehemplar di categoria A. Tin tres yabi. Llave 5 ta forma pa Ganadero (50 kilo) cu J. Rios y Europa (48 kilo) cu F. Betancourt. Den llave 6 ta corre Tugapuy (48 kilo) cu H. Renfijo y Hy Togo (50 kilo) cu R.D. Guzman. Den llave 7 ta bai Talisman (50 kilo) cu R. Cortez y Hypogram (50 kilo) cu H. Revello. E favoritonan ta My King (49 kilo) cu Edgar Aranzazu, Santanita (50 kilo) cu Carlos Cruz y llave 5. Den e careda di criollo aki nos ta considera My King como „fija“. E segundo favorito ta llave 7 y e tercer candidato ta Santanita.

DI DOS CAREDA: — Distancia 1300 metro. Premio 13%. Handicap liber. Ta competi 10 ehemplar di serie 6. Tin un llave 9 forma pa Helsinki (51 kilo) cu Mantel Camacaro y Carnavalesco (48 kilo) cu J.H. Briceño. E favoritonan ta Rey del Bosque (50 kilo) cu B. Moreira, Shabatoko (53 kilo) cu G. Nuñez Cova y Amasijado (54 kilo) cu C. Perez. Rey del Bosque ta e mas indicado pa gana. El a haci su debut corriendo riba 1200 metro cu 55 kilo y sali victorioso den e tempo di 72 1/5 sec. Su ultimo careda cu 57 kilo el a yega di dos cu 1/2 cuerpo tras di Percebe. Awor cu 7 kilo menos e ta bai subi di serie. Shabatoko ta e enemigo mas peligroso. Ta parce nos cu e lucha lo ta entre e dos ehemplarnan aki. Solariego (51 kilo) cu H. Marchena semper ta un competidor cu per sorprende.

DI TRES CAREDA: — Distancia 1800 metro. Handicap limita entre 48 y 58 kilo. Premio 17%. Ta corre 13 ehemplar di serie 5 y 6. Ta e mehor careda di e competencia di diadomingo. Tin tres yabi. Den llave 8 ta corre Reading (52 kilo) cu B. Rios y Pastor (51 kilo) cu R.D. Guzman. Llave 9 ta forma pa Remio (54 kilo) cu H. Marchena y Mioituyo cu H. Marchena. Llave 10 tin Blasla (51 kilo) cu F. Perez. E favoritonan ta llave 9: Kid John (52 kilo) cu C. Cruz y Beau Parleur (50 kilo) cu Milton Barra. Remio ta e corra dos bishon den La Rinconada. Promer careda riba 1600 metro el a gana den 98 sec. Di dos careda riba 1700 metro tabata otro triunfo den 105 3/5 sec. Nos no por hici otro cos cu indica e cabai como nos „fija“ di siman. E unico cu nos ta mira cu por sirbi di escolte ta Kid John cu ta un competidor cu a corre cu animalnan di 4 y 5 serie y ta bai conduci pa Carlos Cruz. Butrino ya a fracasa mucho biaha caba pa nos por tin algun esperanza cu e por haci algo.

Despues di e careda aki ta corre e Clasico „Fuerzas Terrestres“ exclusivo pa yegua y pa jinetes Venezolano cu un premio di Ba. 40.000 pa e ganador y otro premionan di Ba. 12.000, 6.000 y 3.000. E favoritonan di e careda ta Ardid (57 kilo) cu M. Barra y Sakarina (57 kilo) cu B. Moreira.

DI CUATER CAREDA: — Distancia 1700 metro. Handicap liber.

## BEKENDMAKING

DEPARTEMENT VAN ONDERWIJS

## Examen: Gemeenteadministratie I.

De Inspecteur van het Onderwijs maakt hierbij bekend, dat op 10 en 11 april 1963 gelegenheid bestaat om in de Nederlandse Antillen het schriftelijk gedeelte van het examen GEMEENTEAADMINISTRATIE I af te leggen.

Kandidaten dienen zich vóór 8 juli 1962 op een daartoe vastgesteld formulier en onder overlegging van de nodige stukken aan te melden bij de Inspecteur voornoemd.

Aangifteformulieren alsmede een exemplaar van de „Mededelingen van de Nederlandse Vereniging voor Gemeentebelangen“ houdende enige toelichting op vermeld examen, zijn verkrijgbaar bij het Departement van Onderwijs, Johan van Walbeekplein, te Willemstad.

De Inspecteur van het Onderwijs, P. T. SPROCKEL.

## ARUBAANSE UITGEBREID TECHNISCHE SCHOOL

Aanmelding van nieuwe leerlingen voor de afdelingen WERKTUIGBOUWKUNDE of ELECTROTECHNIEK

tot en met maandag 9 juli via de Hoofden der Mulo-scholen of bij de Administratie der A.T.S.

Toegelaten kunnen worden:

1. Jongelui met Mulo B diploma;
2. Jongelui met 3 jaar HBS met goede cijfers voor wiskunde;
3. Jongelui met Mulo A diploma met goede cijfers voor wiskunde.

Toelatingsexamen kunnen doen:

Jongelui met tenminste 9 jaar Mulo B of 2 jaar HBS.

Bij de aanmelding moeten diploma en/of cijferlijst worden getoond.

Aanmeldingsformulieren zijn verkrijgbaar bij de Administratie der A.T.S.

Het toelatingsexamen wordt gehouden woensdag 11 juli om 9 uur v.m. in het gebouw der A.T.S.

Nadere inlichtingen bij de waarnemend directeur.



**YABI** pa bo exito

Avisa den Arubaanse COURANT y compara e resultado !!

**AWOR BO POR CUMPRAR REFRIGERADORA MARCA "ELECTROLUX" di corriente**




4/61  
GASTA MENOS CORRIENTE y ta fria mucho mihol  
Di FI 350.— cash pa'riba  
**ARUBA TRADING CO.**  
Gran facilidad di pago.

Enjoy the feel of safe, railbound cornering even on wet and slippery roads.  
**D. K. W.**  
Agent: KUSTERS TRADING CO. — PRICE f3.350.—

**BO TAPE-RECORDER**  
Nos ta drechele pa bo denter di 3 dia.  
**CASA ELECTRONICA**  
(Banda di Viana) - Tel. 5371

it just... **LOOKS** ...expensive  
gracias na e staf di tecnicoan cu ta duna bo tur informacion pa planea bo cas, renovacion of reconstrucion na un prijs masha razonable.

**PETRONA & CROES**




**Continental Tyres**  
Among the Best  
Be sure of perfect reaction, superior comfort and high mileage.

**E. & G. MARTIJN (ARUBA) LTD**

Notario Thijssen ta avisa cu e vindishi anuncio pa dia Razon dia 27 di juni 1962 NO ta tuma lugar.



**MULCO**  
WATCHES  
La marca preferida  
Sole distributor:  
**N. V. RAGHUNATH**  
San Nicolas and O'Slad



Embajador Hulandes na Washington dr. J. H. van Rooijen quende pa asunto dje conflicto di Nieuw Guinea a permanece algun tempo na Hulanda, a sali di Schiphol pa su standplaats. Aqui nos ta mira com su yiu homber y yiu muhe a bai barca nan tata na aeropuerto.

**AVION FRANCES A SUFRI ACCIDENTE**

PARIS, 23 juni. — Un avion Jet di Air Frances, un Boeing 707, a sufri un accidente ayera den un tornado riba Smundi den cerru riba e isla Guadalupe, e tabatin 112 pasahero abordo.

Equiponan di warda costa Mericano cu tabata na e lugar di desgracia, a anuncia cu no tin sobreviviente.

E compania di avion Air France, a anuncia ayera tardi, cu for di un lista di pasahero, a resulta cu tabatin abordo, 110 persona, cien tabata pasahero y diez tabata tripulacion.

Un tripulacion di investigacion di Air France, a bai cu avion pa Guadalupe. E Boeing, tabata di caminda di Paris pa Santiago de Chile, y mester a haci escala na e aeropuerto La Raizet Nahpinte a Pitre, e capital di Guadalupe. E avion a subi bon despues dje escala y tabata se's ora caba na caminda.

E piloto a anuncia si cu e tin idea di haci un aterrizaje. E piloto dje avion tabata capitán Andre Lesieur, un sirdior di Air France, cu hopi biha a transporta president De Gaulle.

Warda costa di San Juan (Puerto Rico) a anuncia, cu e restonan dje avion ta na 7 km. na e costa norte di Guadalupe.

**PRINS BERNHARD A HABRI CELEBRACION LUSTRO DI ESTUDIANTEAN**

AMSTERDAM, 23 juni. — Principe Bernardo, a habri ayera tardi e celebracion lustrum dje corps estudianti di Amsterdam en honor di e 330 celebracion dje universidad di Amsterdam. E principe a haci esaki riba e plaza Amstel, cu en relacion cu e festividadnan a wordu cambia den un centro di plase latino Americano, cu ta tira vuurpel den laira.

Despues a bini un huma for dje dak di un tempel di leca di 18 meter di altura, for di cual a sali e figura central dje celebracion lustrum, cu ta Don Vasco. Don Vasco, a slp banda di un linea pa e podium caminda Principe tabata para.

**Agenda**

Imprenta na N.V. Drukkerij "De Ster" Theatralaan 11, Willemstad  
Edicion suero obtenible na 20 cent na Union Store, San Nicolas - Boekhandel Mariska, Oranjestad - y Cabana Shop.

Edicio na N.V. ARUBAANSE DRUKKERIJ - EN UITGEVERIJ - EN PUBLICITEITS MA. Massavestraat 88 - Oranjestad, Aruba N.A.

**ARUBAANSE COURANT**  
diariente en excepton di diadomingo

Subscription: 22 p. adalante  
Edicion suero 20 ct.

Telefon: 8116 Redacion y suscripcion  
1116 Directiva y anuncio  
Directeur-hoofredacteur: D. Wolff

**PARTERA**  
Zr. Th. E. Gibbes, J.G. Emastraat 72, Oranjestad, tel. 1355.

**WIT-GELE KRUIS**  
Oranjestad: Zr. Ewald  
San Nicolas: Zr. Perpetua  
Santa Cruz: Zr. Ludovic  
Hospital San Pedro di Verona tel. 2200

**POSTSLUITINGEN Zaterdag**  
Anguilla 15.30, Antigua 15.30, Argentina 15.30, Bolivia 15.30, Br. Guiana 15.30, Canada 15.30, Canal Zone 15.30, Chile 15.30, Cista Rica 15.30, Cuba 15.30, Curacao 10.00-16.00, Ecuador 15.30, El Salvador 15.30, EUROPA (Anti-Afrika) 15.30, Fr. Guiana 15.30, Guadalupe 15.30, Guatemala 15.30, Haiti 15.30, Honduras 15.30, Br. Honduras 10.00-15.30, Jamaica 15.30, Martinique 15.30, Mexico 15.30, Montserrat 15.30, N. S. A. Miami Fla. 10.00-15.30, (Anti-Afrika-Australia) New York 15.30, New Orleans, La. 15.30, 16.00, St. Maarten enz. 16.00, Suriname 15.30, Rep. Dominicana 15.30, St. Kitts v.s. 16.00, Nicaragua 15.30, Panama 15.30, Paraguay 15.30, Peru 15.30, Puerto Rico 15.30, Trinidad enz. 15.30, Uruguay 15.30, Venezuela 15.30, Caracas enz. 15.30, Marabibo 15.30, Virginia Eilanden 15.30.

**LIBERTAD DI ACTUACION**  
ORAN, 23 juni — E acuerdonan di Argel ta un imaginacion. Nos ta repren- de nos libertad di actuacion, asina e lider di e organisacion di eheroito secreto na Argelia, ex-general Gordy, a anun- cia ayera tardi den un transmision se- creto di radio.

**PROTESTANTSE KERKDIENSTEN**

Oranjestad: 7.00 n.m. Da. Visser  
Piedra Plat: 9.00 v.m. Da. Visser  
San Nicolas: 8.30 n.m. Da. Jakobs.

**ROOMS-KATHOLIEKE KERKDIENSTEN**

Oranjestad: St. Franciscus kerk: 6.00 a.m.; 7.15 a.m. (misa pa mucha solamente); 8.30 a.m. (misa cantá); 5.00 p.m. y 7.00 p.m.  
San Nicolas: H. Theresia kerk: 8.00 a.m.; 8.15 a.m.; 7.30 a.m. (Kinderen) 8.30 a.m. y 5.00 p.m.  
Sta. Cruz: Kerk v.d. Onbevleete Ontvan- genis: 5.00 a.m.; 6.30 a.m.; 7.30 a.m. (Kinderen) 8.30 a.m.  
Savoneta: Heilig Hart Kerk: 5.00 a.m. Gedinclend.  
Tur diasabra: 9.30 a.m. Escuela Sabatica 11.00 a.m. Serbishi di Iglesia, Iglesia di Oranjestad na Socoloro, Iglesia di Curacao.  
Tur diasabra: 7.30 p.m. Serbishi di Oracion Iglesia di Oranjestad na Socoloro, Iglesia di San Nicolas na Essoville.

**DEMONSTRACION DI BRIGADA DI ASISTENCIA**

ORANJESTAD, 23 juni. — Awe mainta pa nuebor brigada di assis- tencia di polis na Aruba a duna un demonstracion na Wayacka. E bri- gada aki cu ta consisti di poliznan

Pa talsman, Perfume, Incensio, Perfume pa banja y laba cas, tambe bala di tur color, acudi na **"NICOLAAS STORE"**  
Tel.: 5385 - San Nicolas

hoben, cu a hajoja un entrenamiento especial na Corsow entre otro pa duna asistencia i procede na ora di rebeldia y huelga, a worde agrega na e cuerpo policial Arubano.  
Comandante di e brigada ta onder- inspecteur H.J. Visser.

**BON RESULTADO PA EXAMEN CUIDO DI ARCHIVO**

ORANJESTAD, 23 juni. — Al- gun dia pasa e senjornan Ito Tromp y Lucas Tromp a ricibi e bon noti- cia cu nan a slaag pa e curso di cuidu di archivo por escrito, promer parti. E curso a worde teni door di Ad- ministracion Stichting Overheids Do- cumentatie na Holanda.  
E senjornan aki tin intencion di sigi e otro partinan tambe.

**ARUBAANSE TECHNISCHE SCHOOL**

Aanmelding van nieuwe leerlingen tot en met **VRIJDAG 6 JULI**

via de Hoofden van Lagere en Mulo-schoolen of bij de Administratie der A.T.S.

**VERJARING**

De aandacht van belanghebbenden wordt erop gevestigd, dat alle vorderingen ten laste van de Nederlandse Antillen wegens levering e.d. gedaan gedurende 1961 en de eerste 3 maanden van 1962 voor- zover deze betrekking hebben op de dienst 1961,

**vóór 30 juni a.s.**

schriftelijk bij de betrokken instanties moeten zijn ingediend. Vorderingen na genoemde datum ingediend, zijn ingevolge artikel 35 van de Comptabiliteitslands- verordeningen verjaard.

De Administrateur van Financiën, J. G. Blikslager Wnd.

**No sea FLACU**

Un método sorprendente nobo por duna bo rapidamente un figura cu ta luci salud ora cu bo ta mucho flacu!

- Bo n' tin mester di guli remedinan azucara.....
- Ningun zeta di bakiljauw..... Ningun pildora.....
- Bo n' tin mester di come extra hopi.....
- Medicamente proba.

Bo ta hueso sol, delega y bae di bo peso normal? Esel no ta necesario! Ora cu bo ta usa Super Wate-On nobo, ante pronto bo ta desarolla den peso.

Muho y mucha muhenan, homber y mucha hombernan a aumenta den corto tempo liber y kilonan mas.

E invento nobo sorprendente aqui, Super Wate-On, ta construi bo curpa segun un for- mula cientifica sin shercionnan corporal y sin cuminda extra.

Super Wate-On ta smaak bon y ta entrega bo curpa 1100 calorías pa dia.

E ta fortifica cu vitamina A, B1, B2, B6, C y D, ideal pa construcion di sanger y vita- mina B12 ta duna extra forsa. Door di esaki e caloríanan no ta bai perdi, pero ta construi bo curpa.


**FOI E PROME DIA AUMENTO DI PESO.**

Bo n' tin mestr di come nada extra. Como bo cuminda normal y usa e Super Wate-On nobo cu lechi of tambe sin lechi. Ante bo ta mira qui pronto bo figura ta aumenta na forsa. Bo cara ta lene trebe..... Bo garsanta y linea di pecho ta crece trebe segun pro- porcion normal..... hup y bli ta bira fuerte y bon forma.

En realidad bo ta aumenta liber y kilo- nan y bo ta hania un bon figura balente. Super Wate-On ta desarolla tambe bo ap- etito, ta duna bo energia nobo y ta protega bo contra cansancio excesivo, insomnio y ma- nos resistencia como bo ta bae di bo peso.

**SI E NO TA BON... PLACA BACK**

Si e prome better di Wate-On no ta satisfico bo, trece ante back na e empresa unda b'a compra y bo ta hania bo placa back.



Purba emulsion di Wate-On, sabroso homogenisa.

Y e tabletan di Wate-On facíl pa guli.

Pidi tambe pa e alta tónico medicinal **WATE-ON** pa bo sanger..... (tenando heru).

Distribuidor esclusivo:

**Curacao Commercial Co.**  
Curacao — tel. 24054

**Beautities (Aruba) Inc.**  
Oranjestad — tel. 2113

Invento di liquido quimico nobo

**BUNITA CABEI ONDULA**

Sin liquidonan permanente



PENJE DEN DIE

Como si fuera ta cu cabei ondula b'a nace, asina natural bo cabei ondula ta queda despues di un tratamiento cu PERFORM nobo. Y sin liquidonan permanente. Sin lak! Hasta cabeinan duru y secu a nunca no ta queda na su luga, despues di un tratamiento cu Perform a forma un encanto na bo peinado di ensuenjo. Tur anochi krul- pen — e tempo ei a pasa. Basha Perform den bo cabei y bo por drumi riba dje, camna den biento cune. Ni un awacero duru no por haci'e danjo..... pasa penja den dje y cada golf ta bolbe na su luga. N' tabata bo ensuenjo di tin cabei asina? Desde awe bo cabei ta lombra y brilla; bo ta sintie dushi, suave y natural. No usa nunca mas un cabei manera cabana of un peinado cu ta para stijf di lak. Bo peinado bunita, natural y nonchalant ta keda asina enter un siman. Riba ultimo dia mes bunita cu riba e dia di prome, anto casi pa pornada.

SI BO CABEI TA SECU, STIJL, DURU, LAS, VET, FINI O DIKI PERFORM TA GARANTIZA BO UN PEINADO DI ENSUENJO



**TUMA E PRUEBA CONVINCENTE**  
Busca cerca bo detallista un spray di Perform. Usa esei, pa bo mes, bo amiga of bo yiu muhenan. Si bo no ta 100% satisfico; si abo, cu bo amiganan no ta loco-entusiasma, anto trece libremente back y bo placa lo ser dobolte. Tuma e dushi prueba aqui riba nos cuenta.



**3.45**

*Per form*

Distributors:  
**CURACAO COMMERCIAL CO.**  
Curacao — Tel. 24054

**BEAUTILITIES (ARUBA) INC.**  
Oranjestad — Tel. 2113

**ARIES**

21 Maart — 20 April



Tene cuenta pa bo no dispidi bo placa na aventu- ranan di anochi, bo ta keda desa- punta.

**TAURUS**

21 April — 20 Mel



No paga tino na loque nan ta bisa bo, haci loque bo ta hania ta bon y loque bo ta de- sea.

**GEMINI**

21 Mel — 20 Junl



Gasta bo tempo na cosnan neces- sario. No larga tur cos te majan, pasobra bo no ta bini cla.

**CANCER**

21 Junl — 22 Jull



Trata na concentra bo mes riba bo trabao. Des- pues di merdia lo bo tin mas oca- sion pa famia.

**LEO**

23 Jull — 22 Augustus



Bo ta popular den bo kring, pe- ro no trata na trece un desunjon den e gezelschap cu bo ta aden.

**VIRGO**

23 Augustus — 22 September



Bon aspectonan lo juda bo awe, tanto den gozo como den bo tra- bao y den finan- cia.

**LIBRA**


23 September — 22 October



Haci tur bo es- fuerzo pa bo bini cla cu tur loque bo kier pa bini cla awe.

**SCORPIO**

23 October — 22 November



Keda mas tran- kil posibel awe, no perde pasen- shi cu hende cu ta bisa bo un co- pa bo mes bon.

**SAGITARIUS**


23 November — 21 December



No spera masha bon noticia awe. Lo bo tin suertu riba terreno di amor y lo de- mas.

**CAPRICORNUS**

22 December — 19 Januari



No balota bo valnan awe. Tra- ta na hania con- tact cu persona- nan queri. Keda poco cas awe.

**ACUARIUS**

20 Januari — 18 Februari



Awe no ta da- pa bo haci biala mehor keda de- bisandario di bo cas y bo famia.

**PISCES**

19 Februari — 20 Maart



Bo sintimien- to nan lo trece wowo. Na persona queri of bo familia, habri